



Даршар

Эжа йывса войтырлөн газет

Петö 1929 восянь

Субöта, 2011 вося декабр 31 лун

156 (10431)-öд №

Василий ЛОДЫГИН

АС ТУЙÖД

Выль воён, ёртгяс! Дзик Выль воён!
Мед сылөн лоас шоньд сыв.
Мед шаньыс-бурыс унджык лоö,
Мед нимкодясяс сьыланкыв.

Кор лолыд сьылö, овны лöсьыд,
Сэк бура артмö, вöчан мый.
И мед и петö сэки пöсьыд
Да лоö шöрöм вылын вый.

Ог дядьö вылö кутöй лача,
А асьным пестам уджлысь гор.
Россия ставсö вöчö ачыс
Да йöзлысь нинöмсö оз кор.

Ми быдтор вермам, быдтор кужам,
Мед сöмын шаня олас лун.
Выль вем страналөн бытысь чужас,
Страна оз йöзлөн туйöд мун.

Оз кусны миян сьөлöм бияс,
Син аддзö водзысь, сылис ру.
Век лоас ыджыд мам - Россия
Да дзöля мамным - Коми му!



ЧОЛÖМАЛÖМЪЯС



Дона асмыввасяя!

Ыджыда пыдди пунктöмön да став сьөлöмсянь чолöмала тиянöс Выль воён да Христослөн чужан лунöн!

Тайö семьялөн праздникяс, кодгясöс ми пасьям рöдвужкöд да матыссаяскöд, казгытлам став бурсö, мый миянöс öтувтö, да бур лачаөн видзöдам аския лунö.

Колян воын миян öтувъя керкалы - миян муса Коми республикалы - тырис 90 во. Ме атгьала Комиын став олысьсöс республикалөн олöмын водзмöстчöмön петкöдчöмысь. Ми бура вочаалим юбилея во, и миянлы эм мыйöн донгьясьны. Унатор вöчöма, нöшта унджык колö вöчны.

Миян пиысь быдөн кöсьйö öтигор - асланыс семьялы, рöдвужлы да матыссаяслы шаня да судзяна олöм. Ми ставным - республикаын олысьяс - öти ыджыд семья. Ставөн водзö зиям, медым сийö дзоридзалис.

Ми мөвпыштим водзö вылö аслыным зэв ыджыдторгяс. Миян мог - вöчны ставсö, медым быд мортлөн, быд семьялөн олöм вежсис бурлань. Медым челядь вöсьтисны бур тöдöмлунгяс, медым асьнысö петкöдлöм могысь том йöзлөн вöлины став позялунгяс, медым эз майшасыны пенсионергяс, медым миян республикаын быдöнлы овсис да уджавсис кыпыда.

Эска, мый öтув ми вермам пöртны олöмö сийö ыджыд моггяссö, кодгясöс сувтöдим ас водзö. Миян ставыс артмас: збыльмас став бурыс, мый вылö ми кутам лача да мый йылысь ми мөвпалам.

Ме сия республикаса став олысьлы судзяна олöм да аския лунö эскöм, уджын вермöмгяс, ён дзоньвидзалун, шуд да медгьена кöсьянаторгяс збыльмöм.

Коми республикаса юралысь
В.М.ГАЙЗЕР.

Кулöмдин районса пыдди пунктана олысьяс!

Чолöмалам тиянöс Выль 2012-öд воён да Рöштвоён!

Выль вося кыпыд ру вайö водзö вылö лача да эскöм. Ми быттö бара сулалам туй панасын. Мед выль мөвггяс лооны бурöсь, моггяс - олöмö пöртанаöсь, а выль туйсö югзöдас радейтчöм.

Сиям тиянлы быд водзмöстчöмын вермöмгяс, дзоньвидзалун, кузь нэм! Мед тиянлы век мойвиас, а Выль воö тиян керкаö пырасны нимкодълун, лөнъ да судзяна олöм.

«Кулöмдин» муниципальной районса юралысь - районса администрацияөн веськöдлысь **Д.А.ПАТОХИН.**

«Кулöмдин» муниципальной районлөн Советса председатель **А.Н.КОНДРАШКИН.**

Кулöмдин районса пыдди пунктана олысьяс!

Чолöмала тиянöс Выль 2012-öд воён да Рöштвоён!

Мед локтан во лоас кольöмсыс бурджыкөн, мед ставнымлы миянлы ваяс гажа да шуда здукгяс. Сиа, мед сьөлöмгяснытö шонтасын матыссаясныд да рöдвужныд, а гортаныд лоас лөнъ олöм да öта-мöдöс гөгөрвоём.

Сиа тиянлы кыпыд лов, тöдчана лоөмторгяс, мед збыльмас став кöсьйöмныд!

«Комиэнергоса» директор,
Госсоветса депутат
И.В.МЕДВЕДЕВ.

Коми республикаын пыдди пунктана олысьяс!

Дона абонентгяс!

Выль во дырйи шемöсмöдана öтлаасьöны кольöм да локтан кад. Во колльöдигөн ми кутам ыджыд лача локтан во вылö. Ми ставным виччысям сысянь шуд, зумыд да судзяна олöм. Кöсьям, мед рöдвужлөн, матыссаяслөн ставыс лоас бур.

Мед тайö кöсьйöмгясыс збыльмасны. Мед Выль во аскöдыс ваяс выль мөвггяс, лача да аския лунö эскöм. «Ростелеком» вöчас ставсö, медым миян абонентгяслөн лоас медся бур да лöсялана йитöд.

Александр ХУЦИЕВ,
«Ростелеком» котырлөн Коми республикаын юкөнса директор.



Дона ёртгяс!

Миянкöд öтув пыдди пунктана уджалысьяс!

Выль вося чолöмалöмгясын вöчöны кольысь волы кывкöртöд, сувтöдöны водзö вылö моггяс, пасйöны бурторгяс. Лэдзöй вежны татшöм видзöдлассö да лачаөн да ыджыда эскöмön веськöдны видзöдласнымöс миян олöмлөн выль тшупöдö. 2012 во быть лоас бурөн. Ме таö эска! Кызди и сыö, мый Выль во да Рöштво - збыльманторгяслөн, вöвлытöм на бурторгяслөн кад. И быд мортлөн олöмын унатор збыльмас, оз кö дышöдчы мыйкö вöчны аслас киясөн.

Öтув ми шедöдим нин вермöмгяс уна юкöнын. Ме сьөлöмсянь кöсья, медым локтан во лоис шедöдöмторгяс нин ёнмöдан воён да выль вермöмгяс вылö нöшта лышкыдөн. Но бурланьö вежсьöмгяс оз лоны асьныс. Найö - ставлөн öтувъя выныштчöм. Та вöсна ыджыда пыдди пунктöмön сия тиянлы, медым выль воын орччөн век вöлины помöдз эскысь друггяс да бур ёртгяс, медым тi век эскинныд асланыд вынгясö.

Регыд курантгяслөн шы улö тi кыпöданныд шампанскöйöн бокалгяс, и тайö зэв бур праздниксö вочаалöмön, чолöмаланныд сийөн öта-мöднытö. Лэдзöй и менö сюртчыны тайö чолöмалöмгяс дорö.

Медым тиян уджаланын и тиян семьясынын локтан выль воын ставыс лоö сідзи, кызди кöсьянын. Дзоньвидзалун, вермöмгяс да кыпыдлун ставныды!

Выль воён!

Герхард КОРНФЕЛЬД,
«Монди СЛПК» котырса генеральной директор.

Пыдди пунктана асмыввасяя!

Чолöмалам тиянöс дыр виччысяна да медся гажа праздникясөн - Выль 2012-öд воён да Рöштвоён!

Выль во водзын сия тиянлы шуд, дзоньвидзалун да бур олöм. Мед Выль вося войыс шонтас тиянöс матыссалөн радейтöмön, а локтан 2012-öд во ваяс бур вежсьöмгяс да мойвиём.

Выль вося гаж водзын эн вунöдöй, мый колö видзчысьны биысь. Эн мичмöдöй коз сисьясөн да кокниа öзйысь чачаясөн, салютгяс лэдзалöй сöмын ывлаын. Хлопушкаөн да петардаөн лыйсьытöдз лыддьöй, кызди тайöс вöчны, мед эз ло неминуча.

Эскöй аслыныд, вöчöй сöмын бур да видзöй öта-мöднытö.

Игорь ТЕРЕНТЬЕВ,
öзйöмгясысь видзан да йöзс доргян котырөн веськöдлысь.

ЕНБИ

Культуралы да оласноглы сиём лист бок



ГАЖОДЧИСНЫ ЮРКАРСА ЭЖВАЙЫВСАЯС



Сыктывкарын Кулөмдінса землячество декабр 18-өд лунө вөчис вогөгөрся уджлы кывкөртөд да котыртлис кыпыд гаж. Концерт муніс И.А.Куратов нима колледжын коми культуралон Сыктывкарса шөрин отсөбөн. Гаж вылө чукөрмис 250 морт - эз сөмын Эжва йылын чужөм йөз, но и Емдін, Луздор, Көрткерөс, Изьва да Эжва районгьясыс гөсьгьяс. Петкөдчисны «Эжва катыд» да «Медбур кад» сылысыс котыргьяс, республикаса заслуженной артистка Вера Булышева, коми культуралон юркарсса шөринөн веськөдлыс Вален-

тина Самарина, серамбана висгьяс мойдыс Артур Гарнов да сылысыс Антонина Игнатенкова.

Кулөмдін районса администрация нимсян сөрнитіс районса администрацияон веськөдлысыс вежыс Н.А.Левченко. Сийө пасйис, мый Эжва йылын таво лоис уна буртор. Воссис выль школа Ягкөджын, дзоньталісны Сыктывкар-Кулөмдін туй, юрсиакса Сөветскөй уллица, сикт-поселокгьяса гуйяс. 25 миллионыс унджык шайт дон нбөбисны бурдөдчанінгьясө оборудование, 26 миллион шайт дон дзоньталісны райболничалыс реанимация да хирургия юкөнгьяс, Кер-

чөмгьяын да Дереваннойын амбулаториясыс, Ручын кыпөдісны больничса дорө содтөд, Донын выль клуб да библиотека, дасгьтисны 120 кага вылө найөс видзанілыс бала. 2012-өд воын босгьтисны кыпөдны выль школагьяс Мысын да Немдінын, спорткомплекс Кулөмдінын. 16 миллион шайт дон дзоньталісны юрсиакса культура керка.

Землячествоон юрнөдгыс Иван Шахов юөртіс, мый таво творческөй котыргьяс пырөдчисны юркарсса матө сө гажө. Таво дасгьтисны землячестволыс выль эмблема да пас. Найө өні мичмөдөничалыс атгөалан гижөдгьяс да козингьяс. «Эжва катыд»

хоркөд кутіс уджавны хореограф, велөдө сылысысөс и йөктыны. Ноябрь 15-өд лунсян пансис «Кулөмдінса сарапан» конкурс. Сылөн мог - дасгьтисны Эжва йылыс йөзлыс лөсялана рөмгьяса паскөм. Талун кеклө конкурсө пырөдчис 15 морт.

Таво землячестволөн уджө өна пырөдчисны том йөз. На лыдын Сыктывкарса вөр институтыс Нина Тарабукина. Тавося декабр 15-өд лунө Перымын Нина дорйис республикалыс ним финнйөгра нывгьяс кыстын «Войвыв кодзув» ордйисьөмын да босгьтис «Войвывлөн шань ныв» ним. Сыктывкарса уни-

верситетыс Наталья Шахова да пединститутыс студент Александр Карманов шөдөдісны грант, котыртісны да нүөдісны Пожөгдінын сиктгьяс кыстын футболыс ордйисьөм. Енбия том войтырөс Иван Шахов пасйис козингьясөн да атгөалан гижөдгьясөн. Землячествоон веськөдлыс сіджө пасйис Марина Гуроваөс, коді «Коми гор» канал вылын нүөдө «Ас му вылын» передача. Марина унаыс петкөдліс эжвайысөс, землячествоын зылысысөс. Козингьяс вичмисны и Кулөмдіныс да Зимстаныс предпринимательяс Роберт Третьяковлыс да Андрей Морхинлыс землячестволыс отсасьөмыс, пенсионерка Анна Алексеевна Михеевалы 70 во тырөмкөд йитөдын. Тайө нывбабаыс эжвайысөсө котырын 10 воыс нин дырджык.

2012 во вылө землячество пунктис мог шөдөдны «Эжва катыд» хорлы «народной» ним, Вера Булышевалы - республикаса народной артисткалыс ним, а талунгья код гажөдчөмсө вөчны фольклорно-эстраднойон. Землячествобердса творческөй котыргьяс кындзи, корасын гаж вылө и Кулөмдін районыс эстрадной котыргьясөс, а сіджө сылысысөс да композитор Григорий Игнатовөс, коді өні оло да уджалө Санкт-Петербургыс.

Иван ШАХОВ.
Авторлөн снимокгьяс вылын: **видзөдысыс; сылө Вера Булышева.**

ГИЖЛОМ БӨРЫН

МЕД ЛОАС КУЛОМДИНЫН

Быд районуын, миян районуын кындзи, эм районлөн музей. Көтө сөрныс миян района музей йылыс мунө важөн нин, делөбис водзө оз мун, век ыстысыны сьөм абутөм вылө. В.Г. Лодыгин газетын гижис, мый района музейлы местасыс Кулөмдінын, а абу Джеджимын. Чайта, мый района йөз сувтасны Василий Григорьевич дор.

Районса музей вылө подулыс эм. Пөшти быд сиктын эм музей, да восьтны кө музейсө Кулөмдінын - юксыштасны экспонатгьясөн.

Великөй Отечественной войнаын Победасын 50 во тыргкежлө восьлим музей Кулөмдінса шөр школагын. Веськөдліс сийөн Антонина Васильевна Сладкоштиева. Ёна отсасисны вөвлө фронтөвикгьяс: И.Г.Семьяшкин, М.Г.Попов, И.А.Сладкоштиев, С.И. Воробьев, М.Н.Игнатов да мукөд. Чукөртим ыджыд материал. Отсалісны гижны войнаывса быд участник вылө анкета велөдчысыс. Тайө ставыс вөлі кивыв патриотическөй воспитайтөмлы. Музейө шөкыда волісны эз сөмын кулөмдінса, но и Көрткерөс районса велөдчысыс. Музейын артмис водзмөстчыс велөдчысысөс котыр. Челядь гижасисны Сөветскөй Союзса Герой Г.Ф.Тимуршевкөд, коді өліс Москваын. Ме серти, и өні, вөлі кө юрсиактын музей, эз сөмын Кулөмдінса, но и ветлыс-мунысыс, пыравлісны сөтчө.

Эжвайысөс му вылө йөз овмөдчисны 17-өд нэм пансигөн на. Кулөмдін да Немдін дыр вөліны шөр вөлөсгьясөн. 1921-1929-өд воасын Кулөмдін вөлі нин уездлөн шөринөн, а 1929-өд воын лоис районлөн шөринөн, Эжва берегын медся гырыс сиктгьясыс өтиөн. Кулөмдінын, мукөд сиктгьясын серти, водзджык вөссисны школа (1843), больничса (1890), библиотека (1899), Кулөмдін пыр важысыс муніс Печора да Урал вомөн Сибирө вузасын туй. Кулөмдін век вөлі административной, экономическөй да культурной шөринөн. Та вөсна и музейлы колө лоны Кулөмдінын, а оз бокиса ичөтик сиктын. Кулөмдінса музей петкөдлас важысыс өнія кадөдз районса материальной да духовной культуралыс сөвмөм. Дерт, сөмын йөзлөн кыпалөмон тайө уджыс оз артмы. Быть колө сюртчыны сиктса да районса администрациялы. Музейлы колө лоны мичаөн, синмө шыбитчанаөн да бур местасын, мед мичмөдс сиктынмөс.

Светлана КАСЕВА.
Кулөмдін.



КАРСАЯСЫС ОЗ ТОРГЯВНЫ

«Том кад» шөрин ноябрыс районуна бөрийсыс комиссиякөд өтув нүөдіс Кулөмдінын сідз шусяна интеллектуальной вөрсөм. Петкөдчисны вермыгөм том йөзлөн, Дереваннойыс, томгьяслөн районса сөветыс да «Том кад» шөриныс котыргьяс. Дзуган юалөмгьяса вөрсөм нүөдіс республикаыс юр жулан вөрсөмгьяса котырон юрнөдгыс Антон Колесников. Медбурөн лоис «Том кад». Медся сюсысөн шуисны Александр Поповөс да

Александр Лютовөс.

Декабрыс вөрсисны бара. Вөлі вит котыр: Сыктывкарыс, Көрткерөсыс, Усинскыс да Кулөмдіныс. Бура вөрсисысөкөд өти пызан сайын пукалісны выльяс. Миян районса сөветыс да Александр Удоратин, Владимир Золотарөв, Александр Попов, Наталья Мизева, Василиса Тимушева, Татьяна Щипунова, Юлия Хурбатова да Анна Громовас. Юр жулгысны пөшти сутки чөж. Медводз Кулөмдінса культура керкаын, а сөсыя «Пожөма

яг» турбазаын.

- Миян районса вөжөрнас оз торгьявны карсаясыс. Висгьталам ыджыд атгө районуна культура керкаыс веськөдлысөс өти пызан сайын пукалісыс Е.Д.Гичевалы, предприниматель И.В.Ракинлы, «Парма» нургьясіннса да «Пожөма яг» турбазаса уджалысысөс, висгьталіс «Том кад» шөринөн веськөдлыс Александр Удоратин.

Марина ДАДАШОВА.
Авторлөн снимок вылын: **Антон Колесников чукөртө вочакыс.**

«ТӨВСЯ ЫБИЦА»

Коми республикаыс конькиөн исласьөм кузья федерациялөн кубок вылө ордйисьөм петкөдіс нимгьясөсө том спортсменгьясыс, кодгьяс мунасны «Төвся Ыбица» гаж вылө, коді вөсыс локтан вося январ 6 лунө. Татшөмыс республикаса каргьясыс 22 морт.

Январ 9 лунө найөс велөдасын мирса чемпионгьяс Мария Петрова да Алексей Тихонов. Мый найөс збылысыс корасыны велөдчыны, корасыны сям петкөдласны нималана спортсменгьяс, томгьясы сөтисны сертификатгьяс. Налы оз ков вештисыны асланыс каргьясыс локтөм да бөр мунөм, гостиницаясын олом.

Төдмавын медбура исласысысөс отсалісны федерациялөн кубок вылө ордйисьөм котыртысыс да судьясыс. Наөн лоисны ордйисьөмын вермысыс, приз босгьтысыс да асынысө бурбоксыс петкөдлысыс. «Войвыв олимпия» спортшколаса директор Андрей Горбунов пасйис, мый «Төвся Ыбицаын» петкөдчөм лоас том спортсменгьяслөн оломын оз сөмын выль

тшупөдөн, но и выль вермөмгьяс вылө ышпөдысысөн.

Спортлөн да гажлөн празник мунас культуралөн «Ыбица» финнйөгра паркын январ 6-9 лунгьясө. Медводдза кык лунсө тырвөйө сиасын челядылы. Коймөд лунө (январ 8 лун) лөоны гажөдчанторгьяс, велөдасын вөчавны выль во кеклө чачаяс, мунасны сноубординг, карта серти корсысысөм кузья республикаса ордйисьөмгьяс, петкөдласны Ыб сиктгөгөрсса местасыс, исласыны кыр йывсыс, котраласын вөв доддөбөн, сувтласны лампа вылө, вөрсасын хоккейыс гынсапөгөн да с.в. «Төвся Ыбицалөн» бөргья лунө (январ 9 лун) велөдасын исласыны да петкөдласны асыныс сям фигурной исласьөм кузья чемпионгьяс Алексей Ягудин, Алексей Тихонов да Мария Петрова, Татьяна Тотьянина да Максим Маринин. Паркө вольсысыс петкөдласны сіджө гажөдан программа, лөоны өтувгья дискотека да призгьяс вөрсөдөм. Январ 9 лунө паркө верман веськавны билетгьяс серти.

Александр САВЕНЯ.